

No te mea he nui nga rohe hou, nga whakatikatikanga ranei o nga rohe tuatahi, kua tohutohungia ake kia mahia i roto i a matou ripoata i runga ake nei, mo etahi o nga poraka whenua i roto i te Rohe Potae o te Rahui Maori o te Takiwa o Te Urewera, no reira kua maakatia iho e matou aua rohe hou me aua whakatikatikanga ranei o nga rohe tuatahi, ki runga ki nga mapi o aua whenua, a kua whikangia kua maakatia iho hoki te aronga o nga eka o aua whenua i roto i aua rohe ki runga ki aua mapi e tetahi o nga apiha o te Tari Ruri; a e tohutohu atu ana matou me whakatikatika pera nga eka o aua poraka kia rite ai ki aua eka hou kua tuhia nei ki runga ki te mapi o ia mea kotahi o aua poraka, kia oti ra ano nga eka tuturu o ia mea kotahi o aua poraka te kimi me te whakapumau e te Tari Ruri.

Ko te rarangi e whai ake nei e whakaatu ana i te ingoa o ia mea kotahi o aua poraka e korerotia nei, me o ratou eka tuatahi, me nga eka hou kua tohutohungia ake nei kia apititia atu ki etahi o aua poraka, me nga eka o nga wahi kua kiia kia tangohia atu i etahi o aua poraka, ara:—

	Eka.
Hikurangi-Horomanga Poraka, nga eka o mua	56,000
I tangohia a i apititia atu ki Tawhiuau Poraka	1,681
Nga eka o Hikurangi-Horomanga e toe ana i naianei	54,319
Ierenui-Ohaua Poraka, nga eka tuatahi	5,540
I tangohia a i apititia atu ki Maungapohatu Poraka	1,011
Nga eka o Ierenui-Ohaua e toe ana i naianei	4,529
Maungapohatu Poraka, nga eka tuatahi, 53,696; nga eka o Ierenui-Ohaua i apititia mai, 1,011	54,707
I tangohia a i huaina ko Manuoha Poraka, 19,672; i tangohia a i whakaurua ki Paharakeke Poraka, 6,573; hui katoa nga eka i tangohia	26,245
Nga eka o Maungapohatu Poraka e toe ana i naianei	28,462
Tauranga Poraka, nga eka tuatahi	51,000
I tangohia a i whakaurua ki Paharakeke Poraka	11,680
Nga eka o Tauranga Poraka e toe ana i naianei	39,320
Paraoanui Poraka, nga eka tuatahi (i wahia hei Paraoanui Nota, 3,400 eka; me Paraoanui Hauta, 5,510 eka; hui katoa ka rite ki nga eka tuatahi)	8,910
Paraeroa Poraka, nga eka tuatahi	13,416
I tangohia ko Paraeroa B Poraka, 410 eka; me Pukepohatu Poraka, 2,740 eka; hui katoa nga eka i tangohia	3,150
Nga eka o Paraeroa Poraka e toe ana i naianei	10,266
Ruatahuna Poraka, nga eka tuatahi	63,230
I tangohia a i apititia ki Waikaremoana Poraka	5,407
Nga eka o Ruatahuna Poraka e toe ana i naianei	57,823
Otairi Poraka, nga eka tuatahi	8,650
I tangohia a i apititia ki Te Whaiti Poraka	1,740
Nga eka o Otairi Poraka e toe ana i naianei	6,910
Te Whaiti Poraka, nga eka tuatahi (i waho o Tawhiuau)	69,600
Nga eka o Otairi Poraka i apititia mai	1,740
Hui katoa nga eka o Te Whaiti Poraka i naianei	71,340
Tawhiuau Poraka, nga eka tuatahi	3,370
Nga eka i runga i te whikanga whakamutunga, 3,383 (ara apititia atu nga eka)	13
Nga eka o Hikurangi-Horomanga Poraka i apititia mai	1,681
Hui katoa nga eka o Tawhiuau Poraka i naianei	5,064

Ko nga eka o era atu poraka whenua katoa kei roto i te Rahui Maori o te Takiwa o te Urewera, kaore nei i uru ki te rarangi i runga ake nei me kati tonu kia tuturu ki nga eka e mau na i roto i nga ota a te Komihana tuatahi.

Me tohutohu atu matou i konei, ki ta matou whakaaro ko nga hea o nga tangata katoa i roto i nga poraka katoa o te Rahui Maori o te Takiwa o te Urewera kaore i tika te whakanohonoho, kaore i haere i runga i nga tikanga Maori. I penei te tikanga i tangohia hei kaupapa e te Komihana tuatahi, mo nga upoko whanau he rua tekau hea i te tangata kotahi, mo nga tamariki he tekau hea, mo nga mokopuna he rima hea, a mo nga mokopuna tuarua he toru hea; a mehemea kua mate te matua, upoko whanau nei, ora ake ko ana tamariki, me ki toko ono, kotahi tekau ranei, neke atu ranei, i whakawhiwhia ia mea kotahi o ana tamariki ki te rua tekau hea.